

十

世

素翁續集卷十一

男達編輯 姪孫大黼校刊

祭文雜著

祭文安公文

嘉靖紀元正月八日族子某老過我文安公之鄉不及澆
盃酒宿土固有餘心也遣子某載奉香幣小饌告以文曰
芳前峻極大江作對儲英發祥公應其會其所以截然粹
然又汪汪然即若親望之而無其際以聯屬諸山馴衆水
而入之於海以叅育造化涵煦日星元老

三朝而典刑一世者斯誰之力歟維福孔皆維壽多有

渥恩疊稠存歿誰右某垂老斯出行李公鄉不及拜床下
顏接如往日而絮酒薄分亦違焉幽明兩心如斯而已耶
祭上宰王海日公

嘉靖紀元春仲見素子林某道杭方修問于我上宰新建
伯海日公或告曰厭世矣於邑不自勝者累日病不能赴
也走价以奠曰嗚呼物理忌完世界恒闕王自晉與謝相
後先福履之盛古今一時矣孰不有母公母太夫人彌百
其壽公褒然舉首歷上宰長謝十餘年時望八矣令子都
憲公陽明擒王功世其伯爵玉帶麟袍丹書鐵券書生之
極也公載際 聖明載被 存問載見陽明晉司馬參留

務伯封四世皆數月事又人臣之極也當時右軍殆未識
此委盡以留餘造化身有餘榮 朝有餘眷而人有餘思
所謂無遺憾者非公誰邪其忝通家道義薰炙悵舊德以
未違拜遺容其無日嗚呼哀哉尚饗

祭曹定菴

先生淵默渾粹內具衆美而外落其芒繩引故步述作巨
工詩律唐響筆精晉格無累無憂迺夷迺白後收先老官
一生歷其幾何哉一貧孤守典刑來進而型治鄉國泰山
喬嶽固有所運用其間而九十告盡亦世之所恒少也當
時完人蘭有楓山公松有公公益居以晦嘉靖 聖天子

尊異老成楓山公有晉秩存問之典公闕焉予吊楓山公
又吊公道迂而寄空言噫已矣矣其如何

祭邵二泉母

信誦者道變化者易乾施坤承剛柔允職孰升而困迨剥
而復孰是艱貞豫有繁福烈烈淑人于彼共姜卯葆乳育
有鳳翱翔有蹲于池有止于棘九苞高梧于邵有奕 綸
書疊複縉典載申襄母賢母亦乃淑人兒者猶書母老猶
績言侍百年母乃斯寂故衣手蹟在紙遺儀黑風寒夜烏
聲酸悲其忝尚書道義胸臆節哀附勤洒焉以泣嗚呼哀
哉尚饗

祭太保劉文和公

惟公嶽氣星精人豪天挺奮意命詞蘇黃輩等人文翊贊
弘闡大猷總方開德滋至天休內修外防默主遙中帝曰
師臣改容目送妖僧孽寺售術貢邪肆興土木道路咨嗟
不揆躁狂虎口餵肉 宸怒上干萬頸俱縮 詔獄斯下
公取獨爭且讀且賀 天皇聖明鬼錄惟伍已乃薄謫嗶
犬狺狺我公為敵星象示變倡開直言讜詞正論威焰為
吞維時渠奸魂膽喪失黨附橫從詆公益力碧山不負造
物胡尤天空鳥倦其水其丘 孝皇出宸有虛前席安車
來迎逝馬以息立孤寡和知己為難春明門外海濶天寬

素翁集卷十一
祭文
三
白馬素車疇昔蘊結宿草一章愁腸割裂尚饗

祭尚總鎮

嘉靖乙酉春三月八日大總鎮達齋尚公訃至良賤猶疑
又至見素子林某曰已矣已矣如閩何異日具酒饌香帛
遙奠公靈次告以文曰嗚呼若古親臣史游効益鄭衆樹
庸迨我 國朝懷陳麥鄧蓋已中外並躋矣公在吾閩鎮
靜闔爽禮著賢而下寒峻屬無格外之需而人以無擾若
亡有公者山之顛海之涯雲樵雨釣田食而井飲伊誰之
力歟閩人德公生欲留死欲祀又異夫繼者肖公聲音笑
貌然哉某晦處寡合且去會城遠顧辱存念一介之使時

及吾門無謂之作必襲歲高度至入之於綺間揮金以贖
吾匱義固弗拜而意良獨領公知我矣候間之使方遣中
路訃還強疾授詞辦香走奠噫其何情其何情

祭竹田翁文

嗚呼陰陽晝夜存殆誰記感服氣以乞靈徒招尤而取忌
慨聖儒於既遠曾神仙之足異快一寂其大歸疾於我其
猶寄繫今之交如鬼如魅公誠不欺終畢無二慘右門以
中落待時來其歲器才猷並施韜畧該備慕偃僕以循墻
忽澄清而攬轡授鉞東師代謀用智鋤惡奠良植仁運義
百粵奏其膚公九仙挹其遙致結社會於耆流割義田於

惠施落日揭其新銘青山縣其老泪亟巨卿以候期擬壺
公於縮地豈不几筵末疾爲崇嗚呼紙短詞長香幣遠使
生卒交遊衰落文字寓公後於本懷衍雲來於千嗣嗚呼
哀哉尚饗

告壺山

予召命將至山見卿雲北赴之旦雷雨大作甫霽
四山皆雲獨壺見真面淨碧如洗白雲布其下如
座久之雲消日出光燭天人以爲異

地紀山經宣播群有其固無敢獨附而復貞有卜實山為
隣固有默孚而冥會者吾老分雲允若神授而祥靈現示

俾老而出出而還竊有舒卷今惟與雲俱靜以頤養天和

會歸 皇極謹告

雜著

別家留教

名家子植立尤難須常念天地祖宗生我不可負日月鬼
神臨我不可欺大聖大賢大儒提警我不可違收心養性
立志務學一天理上做去久之自有受用事但無不可
對人言及對人無愧便近道適與弟姪輩戒之

題志哀

志哀志方大夫豪母潘潛懿舒梓溪筆也其紀多事常道

不易常也易坤安貞吉順承天施家人利女貞正于内也
列傳所書多女婦節為異殆不幸異爾君子寧書其常不
願書其異

鷹化說

鷹鷲鳥也性善擊群鳥伏焉既鳩化猶鷹以臨群鳥鳥力
雄素不能鷹下乘其化薄之鳩狼狽伏叢棘間以免乃嘆
曰吾昔而鷹雄氣健翮爪觜利耳矣茲鳩也力顧鳥乎後
而襲鷹之故自取之也嗚呼今之人失鷹之時而襲鷹之
故有不是鳩者乎作鷹化說

方棠陵先世遺像跋

主木為之墓以藏魄廟以棲神主以系之依歿也繪形以
自志豐衰之候孝子順孫因之有感有勸有惜致濟美自
身之微爾矣子程子之論太嚴蓋恐墮神圖象設之二氏
以立教也先世遺容士大夫多尚之予亦尚之方思道豪
亦尚之夫得之尊祀者專之想像者親古有事奉木主以
行以代主者便禮有義起方氏之先有所感有所勸無所
惜像尤宜宜故書

跋沈休翁教子詩

休翁予道義厚平生得手劄特多為好事取去百一二存
爾矣近得翁教子篇于仲氏華甫閱之數過交遊翁不可

見素續集卷十一
雜著
作對詞翰如復見翁我之失無能無重華甫之得也與不能舉其詞失其簡異矣華甫告予別方暈發強而書此真末翁于傳也

跋武定侯所藏東所詞翰

右吾友張東所詞翰為太保武定公東泉作也其意氣橫放格調清越詩始學唐竟白沙乎歸要亦河汾董常而枯茅神怪重不可辯如千年占木皮葉剝脫孤枯老幹屹以存斯公之名當時動海外無一日朝班者 古謂書心畫可以觀人弁公出處見矣抑公卿不下士東泉 董所逮之今未忘亦具知其趣矣

恭跋 太祖高皇帝宸翰

郭氏駙馬都尉公鎮尚 高皇帝永嘉大長公主主生珍親軍指揮贈武定侯也抱以見 上親書乳名虺能賜之虺蛇屬能有力獸黃熊也豈詩如能熊虺蛇之義抑有以得其才傑命蹇之微未可知也古御書以賜臣下如唐太宗李靖詔書皆手墨又有馬周飛白之賜歐陽公記宋仁宗賜群臣飛白曰賜書所在榮光燭天今魏沐蹇夏諸舊家多 累朝宸翰御書大字則楊萬里誠齋范至能石湖未有親書乳名賜者裕陵廷珪故墨王平甫藏為至寶矧是書耶抱烏號不若藏此筆保曲阜履不若傳此書太保

公裝潢十襲可以知 寵可以知世引忠孝於無斃二字發也

跋李文正公絕筆卷

李文正公西涯書山鐫家刻布在人世而流之海之內外篆書跨越百代人無異同者行草寄謹嚴於踈越運簡遠於郁穠而中峰筆正尤世所無蘇子瞻謂歐陽率更書如其貌公容美若粹玉韻調平遠清廟之歌磬書亦如其爲人是卷公絕筆也猶耿耿然若不爲造物詘充養可嗟占矣嗚呼公壯予出也公老以化予入也器之不齊刑範異爾矣公孫婿都諫劉君濟出以示予對對隕涕噫其已矣

矣

大禮正議跋

聖天子握乾承統新政釐革收復人心者此 詔也

尊號殆若未然夫有不易之理有難割之情壬辟舞扇固
有以待之於先者矣元臣者身 宗社之重楊公倡之蔣
公毛公和之錮弊雄奸機發神應大禮受重所後不得復
顧私親然所生之情自異楊公力主程朱濮議之說蔣公
毛公和之 上俞之晦義疑情日星開朗合天心而副人
意三公賀爲幸而詖詞鼓妄 國是爲搖竟之沿襲濮故
稱帝后三老申論至待罪家居費公既 召至抗聲綱常

無取自異 郊回 清寧後官災 上始大悟嗣是物數
徒隆主祀猶闕癸未夏又欲有加四公不可 上親灑宸
翰御平臺召授臣廷和臣冕撰進又不可 上心信而罷
其矣邪說之貢惑也非睿聖宏亮之主方貞秉禮之臣其
不再誤鮮矣中間申議封還 御批者四執奏者二十餘
傳諭開釋無筭楊公以水喻情隄喻禮尤爲善喻它疏不
可勝紀蔣公取而輯之前後二跋稽據周詳楊公屬其書
其後夫隆所生皆衰世事書譏也魏元帝欲尊所生父不
稱臣有司議不可噫可稱帝邪漢成既立定陶王爲皇太
子即立楚孝王孫景爲定陶王以主國祀小宗之緒不可

廢也論者謂預養宮中興外藩入繼爲異噫人後均也無
二統亦無二帝國之有帝未之前聞也加九錫舞八佾偕
踰附有藉口可無慎與我 祖宗家法具在

皇上神聖天啓殆將慨前違而亟後繼謹書以俟

詹不遠二勅跋

左正言玉山詹公在宋徽朝疏蔡京誤國出知天雄軍所
受二勅爲賜天雄將領戍兵寒具及天寧壽表歸報例恩
子孫傳寶殆御書手詔飛白無異賜衣賜帶故笏故研不
足藏者當時賜京殆不止是祖不敢認敢藏耶一時致力
顧爲借譽無窮之地京之知未及此也公諱不遠一十四

世孫給諫泮出以示予具知其志書而歸之

三朝恩命跋

李公梧山曾祖邑博公以祖起司諫進徵仕郎封如其官
妣並配孺人勅凡四道宣德時也司諫公偕父玉傳公以
梧山起中丞進通議大夫贈如其官妣并配并加淑人誥
凡七道正德時也梧山再起官保司空兼中丞進資德大
夫再贈祖若父如其官妣并配并加夫人誥凡七道嘉靖
時也梧山珍問惟謹別錄黃爲卷以昭 上恩夫天語下
頒名家望姓有求之數十世不可得况四世十軸十八制
未已耶本深而發以茂固然者自古褒異者儻必推所

始富鄭公曾祖制曰躬執義善貽乎曾孫祖制曰樂哲迪
義祚流聞孫父制曰惠和敦大篤生碩人諸配疏封開號
駿命有申攷往視今梧山藉長厚以樹方貞將匹休爲烈
以答

主眷副朝望與知已一榮焉

鈍齋題辭

利與鈍什百千萬遠矣水斷蛟龍陸剗犀象善劍也解牛
十九年刃若新發於矧善刀也抑以芒缺亦有焉山澤之
儒一刀數十年鋒刃俱去截紙若鋸文然亦無見其缺斯
三者何居曰夫子第由參曰勇曰魯勇如所料魯之傳獨

得其宗鈍殆有利哉陳文學問鈍於予予鈍者故告

何石川題辭

族諸弟雲東生記石川開合正變出入毛穎之間或病其
工古文詞不入時格子獨謂不數數是篇也石川何用明
取義爾矣易艮爲山爲小石坎爲水爲溝瀆石非小自山
則小溝瀆未可言大自濫觴則言大夫含澤布氣生生不
窮土何以金哉土之精則石石故金金故水而陰陽成氣
剛柔成質仁義成性未有不由焉者或曰石不可轉水殆
可決之而東西故君子慎動

雪冤紀異跋

鄭殺伯有訛言鬼至人相驚或夢之曰余殺帶又殺段帶
段果卒鄭人愈驚子產立其子良止撫之而定予觀沈君
子公紀小羊暴冤事殆信夫形入聲應皆人也而忽焉影
滅亦異矣詢之異有顧影祥父子爲弟所謀之事小羊其
乳名也時方在鞠訊之而伏噫鬼有智矣夫知君名御史
辨此也記兒時邑有吳姓者亦爲族所謀暴冤尤異此直
而彼不直有餘慨焉夫幽憂鬱邑上通于天其神氣未散
見諸訴往往有之朱子謂怪不可謂無夫子不語定惑也

素翁續集卷十二

素翁續集卷十二

男達編輯 姪孫大黼校刊

書傳贊說

寄少傅費東湖公

林野共覩太平執事首被 新渥起殿師垣擠而下石者
何在邪事惟無人爾矣寧之亂使皆如某沮其前如執事
沮其後如汝華未清沮其中焉有此耶置之無足道也陽
明戡定神速古今奇男子矣古者君擇臣臣亦擇君茲遇
主時也幸亟起以佐理唐虞然事在從容先甲後甲所以
治蠱而已日乃孚所謂革也幸致之意其叨與起落又有不

身書續集卷三
宜起者七旬病老班行無年似之人無同時之舊諸老無
一識面而志頽學落力憊神疲何恃能起且強壯而歸老
老而出人其謂何今之任世道之重者九峰白巖之渾粹
堅定幸庵之貞剛皆足共事其聽散野高逸者流君相固
有處也由衷之言幸示調幹毋致再乞矯令弟繼起令姪
繼及第由古似無自愛自愛

寄袁閣老

鄂城邂逅去今三十有餘年竟陵再會亦餘一紀矣縱浪
林壑垂老復見太平 新天子聖神文武元老之舊學長
德更元一詔弊政釐革無遺奉天之詔書開元之雜報退

然後矣當此弊極非此運幹收既離之人心真將歆之神
器幾不可爲然亦須從容慎重母已甚爲也易蠱與革與
夬與解有深意焉遺老起落 聖明盛事僕謬在數中

天語叮嚀引以共政速之以亟來朝拜恩而夕登途僕之
心也第年力衰邁百疾交罹初心日負而戇直之故性猶
存精神意慮非往時比矣聽耕鑿爲 聖世逸流備臯夔
稷契中一巢許僕之分也 君相盛舉爲僕也爲天下也
僕亦欲爲天下也欲爲天下不足以副天下負 君相負
天下也伏望搜進碩賢同心輔政致 聖主堯舜之上容
僕卧病以遂本懷至祝至祝

簡宮傅毛三江公

昨又承盛設某眼孔中寧有此耶老出無所用竊意共理
 素風為訓儉一倡萬一士夫起而和之貴戚繼之內宦又
 繼之以聞諸 聖天子以及內宮相率為儉其非小補也
 先生約質近道當群奸用事獨立不回為吾道立幟豈於
 此未盡脫筒先生倡誰不和者不揆盡愚萬原責過吾人
 立已正君善俗外無它焉詩幸改削錄惠雨泥不及躬謝
 罪罪

寄翠庭弟

賢弟廉聲峻節重鄉邦而望在中外半歲三遷論者又欲
 引內臺當 面然名大者副亦大終吉以致其至又不獨
 鄉族之私也老兄數日三五疏決歸 當宁明聖然事多
 牽制斯非素食之地進無所用委而退亦道當然况老如
 是耶弟力為之老兄副意如賓後一弟幸自副焉守仁有
 便錄此付之亦深望者近鄉族諸賢皆可應標亦族中一
 後行可愛可愛

寄陳靜齋都憲

書久缺序亦久逋逾七筋力官責已不可辦暇此耶照諒
 照諒太保劉文和公於某無半面成化間出位妄言甚荷
 提拂某得謫得還而公竟因其以去自是四十年無北生

長素集卷三
無謝死無吊徒深貯結若甚無情茲始得暇力執事遣奠
以少致毋忘之私物誠薄意則誠厚也萬勿增品公泉下
有靈亦諒予真也

寄少師楊石齋翁

某年過分淺入夏衰病逾加不謂高階厚廩若此忝竊也
第七疏明復進恐主上見疑伏望調幹申此愚悃夫以
主聖臣良之會適有志用世之期况老先生榜中祗某一
人非誠不得已豈固如是數數然求去蓋精力既已無堪
骸骨亦須有地而去留兩事亦須互執其機以並張國
勢獨振士風不謂留為得去為非得也且溫旨嘉褒使
某愧忸無地何德堪此哉惟蚤賜一歸百凡遺恩俱無敢
望無任懷祈不具

寄白巖喬冢宰

望之日潞河發舟日表天顏道容風範斯以遠亦斯以
終別矣豈雲水一私之故斷割無已之情所望成聖而
輔德者滋以熟矣卷和完錄上紙僅數葉且舟中搖曳書
不能工南塢燕泉二公得善書各錄一本及惠寄一本自
是美事九峯幸庵二翁復和慰慰九卿諸公會中幸道臆
不具

寄燕泉何少宰

東郭艸堂無任難別強力自制執事巖翁泪盈盈出某安
敢仰視哉幸翁泪至如雨哭有聲峰翁某不敢道別事亦
不能使已也何修得此諸公哉仙郎大是奇器文無敢及
命之微也幸改竄登卷或軸付能書或示雲莊書寄數日
風甚順謹告

簡石齋翁

某迂僻荷 君相曲全林壑再遂拜違顏範月再半途中
連雨無三二日晴臨清以北猶可濟以南水天相接土屋
官隄崩潰無幾夏已旱所恃者秋秋又澇黍菽蕎豆盡壞
麥工種徒費民移丘阜小米石兩餘大米兩又半蘇常米

亦兩餘今臘明春何恃爲之悲梗成疾幸急有以處之葡
素無盜近廣與鄰郡百三十至劫住月餘四處兵俱潰殺
死五百人賊自幸無此好作賊地非久即來雲莊之席何
怙命薄有此鄉人渴候回家不知無兵何以決勝欲增巡
撫意不若增一風力兵備幸偕三大老先生暨吏兵一處
大禮上聖舊德孝忠具在敬翁二跋無遺矣不揆贅書付
族子嚮守有年覓便附上幸賜刪潤三老不顛書謝內翰
中翰賢世契不及書餘惟體世道深念至祝

與朱郡伯三峯論備禦

昨仙人相見謂前尤溪賊八十餘寇永福虜人共約百人

及從永春斜宅回祗數五十三人入尤中山而伏或謂散去一小半不知歲何山箐中或他路而去賊風時有不敢報恐厭報也夫銷鋒敵弛武備秦所以亡而山把隘埃傳箭城教兵皆宜先備所謂二百五十民兵者退老弱收精勇利兵器立教師皆宜先處李德裕在劍南率二百戶取一人習戰謂之雄邊子弟昨所謂五人者頗令人不謂欠處也明示其下慎擇私教官有其名不必其來何擾弊絕而人宜兵精而賊不南警所謂全取勝也不具

辭三峰存問儀物

承奉 旨存問 殊恩天殞感愧何勝嚮者辭多受少

明分亦見公之乏不自腴也而損以成禮又屢告矣顧滋以厚林下閒人歲後月米已過又歲時許多存問安乎夫優老之厚在文安公則可此則不可幸痛裁削為二三兩之費不傷惠亦不傷廉章公訓俗兩意具在無快耶如緘視入再處至祝

寄楊月湖宗伯

方尾請老于湖月庄雲之間而北問時至祚宋無是事矣區區自春有白濁病瘦削老醜有加先生因餘年以究極程朱皇明道學始也達子文行頗進欲畢志林野任之適恃敏學顧落週一醇質而已方二孫近三子三姪皆有如

熊之兆老年懸結在此也不具

寄汪石潭宗伯

久乏北報巷談途論莫知所適從林丘雖老敢忘人國一
念哉既乃知有大議論正學直氣雄心壯節畢盡一時朝
雲雷而夕烟水出處完局山斗吾流二疏遠矣哉抑
良之朝山間之席有不得暖者惟為道保愛萬萬

寄石少傅熊峰

自尾班行得遂懸結純正大君子內章外晦以師表名流
銷縮群穢相理太平深望焉治體靡常轉局勢異斯人有
積誠感悟之幾焉國謀取上信身謀取心安 聖意決回

大禮決正吾人之作用不然石老去敬老去若礪老湖老
又去先生又去何成 朝廷噫斯師臣所以難處也誰足

毒者學之偏其流禍乃是攻愈衆則立敵愈堅意理導之

方決自愧去 自不出 亦難自留 九廟在天朝論僉

合草野言無異 聖心諒自追悔幸從容以答 天休滋

至必不然引去未晚某亟欲舉富鄭公林下故事恐涉猜

疑抑未能終已也望先生言語文字間哉承惠二文相思

時對自解自歸疾時作不能書地異亦不宜書也礪老湖

老洎長院諸先生幸道勤臆并謝餘惟為國體世風寶愛

萬萬

答何燕泉

自執事過南其四詩奉憶寄之京又寄之鄉想到矣盛時清靜之地天爲公謀也其仕其止世道世風寓焉吾人一是外何求哉區區自去冬右半不遂筆不能把飲食俱待人然輕塵弱草亦不須繫也

寄周憲長

別久我鷺湖之會天也又居而近書惠再勤且辱下問迂腐無足告書亦以遲愧愧記童中時見藩臬諸公歉歉然受直怠事是懼月正甫旬守巡臨部仲夏始回回復出在公屏日甚少故下無賊吏鄉無奸民寇賊有所憚而不敢肆

今之吏縱民頑盜日以起者反本之論執事得之素丁公得之過浙逮今詳焉政固在人長賢也既倡之諸寅案又賢也群起而和之同心事事廉而勤法正而心近厚閩將不異于故風望所至合調而同聲又將不異于閩閩始也林屋漫愚不自知其不可朝 覲地之正官賊或動念幸檄屬操民兵嚴巡邏爲閩倚命豐先生客寄涼落時煩臨慰平素無與人事賤子亦頗父風書來勿信餘惟多愛至祝

寄楊少傅遂菴翁

西陲猶棘元老載徵仗壯猷紆急難潞公之後恒少也卯

身素純真卷五
書
橋魚鳥其不得私矣 君相用人猶大匠之用木是任也
要非常構可勝公勝此無難也經理邊防成則群頌功一
不成則獨當其怨然猶可也公名在 四朝望實孚于中
外公台舊席虛以待义矣天常國是決從違公也可回則
入不可回則先幾長謝赤松完局公固辦此矣病廢強伸
中曲今故人誰也惟萬萬加愛

與蔡霞山大參

其好賢出其性自接顏論貯結十六年湖貴之滯嘗致不
平語或不謂然福唐錢禁貴鄉徐正郎閩士夫亦不謂然
蒞莆論亦起為賢者私惜焉夫山水祗可逸人退傳自適

在官須矩度檢身心勤職業敝吏治恤民隱矧地高望懸
尤屬瞻視今日宿書院明日宿僧舍分夜又遊木蘭無乃
不可且當辦賊之時選兵鋒計糧餉且不暇暇及此邪民
方窮竭僧租徭且不辦路亭無故罰蓋非可已耶意亟檄
止專理滅賊及分守本務以副人望近世相知祗蠟貌脂
言取媚悅或巧因為利此語誰忠告耶幸照諒萬萬 此
賊須如簡公去歲會祝先生調漳泉海滄同安南安安溪
永德等兵夾攻過莆仙則直追而來此兵不足辦也附告
寄揚遂庵 意欲與泰西對東山而西與西國
元樞載召潞公平章一時也 宸眷愈隆則人望亦愈以

重固自有處也然當仁聖之朝勤學思治之會得舊學以膺上佐誠符意感晦庵西涯東山引而司馬溫國無難者夫道立之正運之和啓心沃心贊掖治理而收致名賢與以忠而獲罪者以裨於土德副群望回天上天之意斯吾人之作用揚石翁才而密初頗相異比憂歸得諸鄉論書來頗悔相見又大悔且服焉亦大臣量也得舉自代陽明引西北總制則在野猶若在朝有尹之商休無仲之祿亂吾人心事可以白當時告諸來世矣交深言直勿罪

寄秦鳳山司徒

京師辱教愛別來又辱惠問末疾廢書謝愧愧弊郡大旱作苦歲五月不雨至十月未解禱無應廣渠深渠盡化平陸田禾枯死無復望井水一石市至七八文甚者十七八文掬泥漿以飲多病病多不救鄉偶得一線之泉群起而爭至殺人無忌嗷嗷聚泣日計莫謀記弘治己未嘗饑藩司公帑尚富郡預備倉穀尚八萬石旁郡及廣尚熟鎮巡聞荒節發銀一萬六千兩輔備穀以濟事聞孝宗又蠲租以盡旁郡及廣海賈穀四至不見甚荒今公私俱竭預備穀不滿二萬官無所濟鄰郡鄰省盡旱海賈路又絕無能民謀者且潮汀漳延流賊垂涎兵無足恃柰何柰何郡司災奏上幸極力回幹如例全免以活一方仍行鎮巡議

身素純集卷十一
處賑濟或割內帑之財布寬大之恩以廣我君相恤災
之惠至祝且陳其載其類垂其典其訓其宗其宗其宗

東遂翁與官無汎汎然其類垂其典其訓其宗其宗其宗

自公之出山中三致書想達矣位大高才猷太大跡太奇
望太重皇上堯舜之聖望公弼成堯舜之治百心焉群
邪害革國事日非名器日濫歲計日虛民日窮士風日以
澆薄司府而下非魚肉其民則終日高卧終歲不巡歷視
民如子官如家者幾人甚矣今之民之不幸也近江之南
大旱甫八月盡未雨井水石十餘錢北聞又澇何景也嚮
跪門者流跡踈而情可念處亦宜輕新入經綸莫大于是

上下交德業成元臣晉接都愈盛事抱茲耿耿

傳

劉母葉一節傳

劉文斌甫妻葉氏字妙貞閩人宋節度使少蘊之後貞慎
而習父伯賢母許氏擇以歸歸文斌文斌之劉為永嘉著
姓自宋秀山尉以誠避兵入閩居南津三徙嵩山石井為
石井人家故裕五世獨傳父處士回始生陽山分教文端
與文斌二人分教不嗣卒文斌又獨食生瘞死賓祭之承
與酬凡公私皆葉乎相政甫敘文斌不祿孤元與四歲無
期功強近為依官姓德鄰可胥為護庇檢校伺釁以無利

于劉葉深肩甘節里嫗無及見其面家之人與葉之叔季正色闔門不踰閩授事而退雨晨霜夜孤嫗相慰藉以須其長教事事繩引不渝孤竟立婦林婦梁婦陳及見孫曾之盛家循故以歿成化甲辰歲也壽七十六乙巳合文斌茶園以莖傳海江澄清洪五孫龍鳳鶴鵬鶩鵠六曾孫曾遠達普玄孫翼翼清世揚也第進士選庶吉士為給事中

有問學風節名元興贈清官君子謂葉能節立有孤之報

贊曰

家人關睢易詩具之矣啓國隆家女婦之化理丈夫為烈者也而樹孤垂慶矢死亮節劉之續絕葉一轉移間耳而

匪石之心屹不可改乃家如故卑族化而昌藩子以孫恩贈給事中為時宦姓葉節行並躋祀劉一節給事之父予為報者也傳以芳世云爾

贊

丁補齋贊

丁補齋玉夫行古道未冠抗顏師席未室取進士與友皆長倍之賢予亦兄年以長質通理愧屈焉成化乙巳元日星變疏時事謫判遠州移倅郡再守州入為南儀制正郎擢副察使董學政南粵水禍甚酷孤同以他舟僅免予假力歸其喪述其傳

以傳又二十年過潤同屬贊嗚呼贊乎哉贊曰
大雅弗作世風陸沉粵有斯人如玉如金考圖立象探頤
索隱剿說浮辭痛茲一屏三聖微言四儒授受近述遠稽
月將日就言階及禍一落後收居貞委分造物為遊民寄
量移士趨載屬有易其東惟壽孔促我生弗辰我成誰壞
正色剛中以伏水恠

方思道祖靖惠贊

簑烟釣父襖雨耕夫兒孫典則族里型模寵辱無關夷險
不二有諸我山澤之恣垂厥後廟廊之器噫是謂棠陵之
先方叔之裔

百歲翁贊有序

壽萬歲千歲百子祝頌之辭伐毛洗滌神

流寓言

幻說為道大蠹鍾離人百十二歲洛中遺

正二十六歲

又不載致壽始末要之人生百歲為期

之誠信有限

為副固已解矣諸以壽為首而本

德值世理亂

又所謂遭也夫蒙難世化轉而

長之運故里荒涼林

木春燕不能無寓目動心之感故壽貴於德而又貴於遭

予於崑山得周壽誼翁一人為今憲君震五世祖生於

宋長於元及見我

國家載清中原之盛壽百十有六歲

於倉州得毛閒翁公一人為今太子太傅宗伯公之祖生

未樂長洪熙歷弘治以老壽百歲皆世極而錫老之榮昌
 後之福亦大槩近之然周生世化之餘大物三易姓而始
 亨會寓目動心殆不能無也公少且壯且老于我 六聖
 重熙累洽之朝親見孫宮傅公之大科顯秩子再被有
 命 龍章下錫一處士而上卿易街子同日又被 贈
 今曾孫被殊廕皆世誠少翁慎重持畏以隱名目終而義
 況來奔祕不發又謹獨一事處之厚尤難者推見不隱
 之後宜有今公孫友其贊曰

居貞處順抱素含真飲咽元氣為 躡影 蹠
 紛錯退焉若歲以樂其獨孤遊遠 鴻山 臆

箕穎之風德時福基高乃厚積孰是清門於焉以立 龍
 章下錫白衣上卿族里生色墓木知名謂命維新謂物維
 故是為百歲之翁宗伯之父官傅之祖

賈樂菴贊

南塢少宰父

樸質真風醇龐孤尚烟牧雪樵櫛衣蕙帳唐箕穎流晉羲
 皇上瓶無宿春甕有新釀酒隱神仙雲眠宰相窮以益堅
 老而不杖寄樂境於野情酬大官於私養跡也飄浮官口
 漫浪感服紫以擊金勞錫鳩而饋醬衛武高年山濤洪量
 是為九十五翁樂菴之像

件竹居贊

主事瑜父

身素純集卷三
朽以椽瑕迺有璞璞美在中嘘而雲嘯以風有電流迅
雷蘊隆掇士魁聯朝籍維勤乃功損以益征不盈數常值
計曹權政孚乃華木尋拱誰仆之心多世縮疾乃罹武之
繩理所右謂生不辰既迺壽

楊直庵贊

太師文敏公孫正郎易父

黃山之陽舊相所鄉以似以續載引而長有美且庵風神
曠厲 帝曰汝賢職我外制天落之累留滯周南委心長
謝箕穎之間叶皓首書淫強記博識翔售廣哀秘心室
遺聲遠調振響斯文拾遺有祖廣川有孫

周少參子賢贊

長抱脩幹壯猶方格礪節摘詞浩矣七澤言潛斯鱗言舉
斯翮雨沛雲歛茲山茲石

純齋汝錫贊

有趨者器有清者神長身勁格體素含真瑟是徒工玉也
弗售榮命甫新化及誰右曰維有子而又有孫繁祉崇慶
萃茲德門

陳閒夫贊

正郎九川父

化速招尤棲卑負耻言賦歸來昨非今是許由一瓢元亮
雙履息交絕遊大隱城市企嗣述於前良與齊飛而並峙
授子一經季也先第草野朝銜華門珂里教孝與忠為飛

長素集卷五
五
為止石表兮玉中綠衣兮黃裏樂侂儷兮期願寄丹青兮
形似訪靈跡兮桃源納真風兮松梓

說

世佩解

可吾仲子一蘭根植深而芽茁蚤脩然其長燁燁然其光
清特秀發立百芳其下字取世化知化物而不知亦化於
物蘭化不芳故有是說也為易世佩佩無過於蘭其芳擇
也然曰一花曰葉侶薤而長根曰土斷續則叢生本也曰
赤節紫莖高四五尺名蘭香草曰似澤蘭葉光潤陰小紫
則榦生本也蘭易辨尚無定從况善無定在吾恐似者售
而直者遺佩非所佩矣世言謝氏子弟如蘭恐世佩未北
面屈平之蘭亦世佩所少也退之荷蘭操為夫子作也曰
不採而佩於蘭何傷子如不傷我不尔觀君子生不逢時
其自守固如此世佩時矣擇而守可易乎作世佩解

何承矩訓

彬陽之何予及聞董學及識司刑兩少宰公及友少宰燕
泉翁以及接承矩竊幸龜組之傳何尚之之世而文獻為
優公曰何以教吾仲方甚哉泉翁之無已于子也方圓成
象天主動以圓行也地主靜以方止也動則無息靜則有
常有常斯無息致道不能易也夫方不能舍矩猶圓之不能

規故規矩方圓之至盡人之道作聖之要歸也吾人舍聖人何法哉漢律曆志規圓生矩而梓人斲圓必始於方方成而圓屬焉矩固所先事哉靜而正動而時是為內之方以為外之圓反是殆無取焉衛州吁好兵莊公弗禁石碻曰教子當以義方元次山作圓器其友謂曰吾聞惡圓之士寧方為皂不圓為卿柰何作圓器以悅孺子吾恐次山之日入于圓也翁之承矩命名固義方乎取抑亦惡圓乎寓承矩其自龔先世之槩獲循而上以承夫子之不踰矩靜而正順利而動故曰直方大不習無不利而聖人定以中正仁義主靜圓亦有所不廢而卒主於方終身由之聖學

所以成始而成終也何世學相成燕泉翁得李文正公日就所大承矩問道于予冰寒青出抑無害師也作承矩訓

夢竹字序

都尉京山侯崔公岱屏 主方妊夢鳳止于庭化青牛意麟也若產犢然化老僧短幹醜貌鬚覆口言忘之矣占者曰是無胤嗣之祥孔氏釋氏抱送者歟青牛老氏所乘壽徵者歟婉之夕夢大竹類鳳根若首幹葉若翹視之真鳳矣自西而來萬葉翔舞與鳳俱下止于屋占者曰是無清則神大則化西晉位崔所也萬葉子孫衆多之象者歟已而果男名鳳徵字以夢竹及是儀矩閑習學專而成可待

業且冠以見于予及之予曰異哉禮春官以六夢占吉凶
 熊羆男子之祥而鳳麟又祥之大慧生聖麟趾與振振公
 子 帝主固麟種也昔者崔陵兄弟同日封拜稱二鳳連
 飛公兄弟殆然崔之鳳有種哉鳳文羽麟仁獸竹君子才
 德備特出等夷者也是而形又是而化夢竹先屬之矣抑
 鸞鷲不逮九齡石麟豈先於玉燕星精嶽氣鍾鉅人以樹
 勲伐現夢固多其不現夢者亦不為少君子脩其實以符
 其夢竹之大非樂材簡編材也發聖賢之蘊而系其跡得
 跡斯得蘊得蘊斯得心得心斯得性得性斯得節斯得時
 世有不假象而感不依形而立不隨世而遷虛則靈中則
 正堅則定與時舒卷無處不宜竹之化將人中鳳麟東海
 之見五時之獲雖真胡取耶

四朝其兩著作式窺元始以澤於道與古作者
 分鑣並驅燧燐炳炳誠一代之英也先是文

勲伐規夢固多其不現夢者亦不為少君子脩其實以符
 其夢行之大非樂材簡編材也發聖賢之蘊而系其跡得
 文具正朝之藝難真時艱限斯得性得性斯得節斯得物
 正望限安與劫捨卷無盡不宜許之外部入中鳳繼東載

重刻素翁續集跋

諸祖見素翁以貞忠雅抱受知

四朝其所著作式窺元始以澤於道與古作者

分鑣並驅燐燐炳炳誠一代之英也先是文

則

省吾翁刻於兩廣詩則

寒谷翁刻於三澗續集則

愧吾翁刻之於家塾者壬戌之變板刻俱燬諸

叔子述氏有深痛焉黼因任分刻之責顧浮

見續集
沉埃壻期會纏牽負諾責者廿餘年茲贅留
曹稍有暇晷廼受續集於叔氏而梓之若其
餘則叔氏亦駸駸然備之矣噫嘻方

翁之疏妖僧抗逆濠討藍賊身與家何有也尚
有於文之傳與否迨夫勲垂旂常行列史乘
芳猷偉樹所至稱山斗焉則文之傳與否似
亦奚與也然君子頌言以考世哲士緣迹以
度衷談道德者得鈞其玄覈事功者爰采其
實諸刻似亦與有助焉吾莆文獻由來尚矣

前此漫渙毋稽

武廟時少司馬山齋鄭公始編輯以永其傳

翁為敘之謂如景星慶雲轉瞬而消滅以盡豈
不深可慨與黼誦斯言而三復焉竊有窺於
諸刻之意故因斯刻成而並識之時

萬曆十二年癸卯九月菊旦姪孫大黼拜手謹
書



卷之三